



Balduinus ex nobili familia comitum à Steinfort natus est. Itaq; parentes eum in optimis studijs ob egregiam indolem educandum statuerunt. Cum ergo in literarum & pietatis studio plurimum promouisset, uicesimo octauus Paderbornensis ecclesiæ præsul electus est. quam etiam functionem per uiginti annos gnauiter administrauit. Erat enim pius, clemēs, iustus, & omnibus uirtutibus præditus. Fuit is perpetuò in templo, aut subditorum controuersias audiebat. Cum partes audiuiisset, summo studio eos componere solitus erat. quod si causa ad iudices ferebatur, ipse quiescere non poterat, donec audiuiisset rem optimè

compositam. Episcopatum is mirum in modum restituit & auxit.